

me apar per la deposition de sier Nadal da Mosto fo retor a Schiros, pertanto li Consieri et Cai di XL messeno darli 6 balestrarie sopra le galie di mercadantie, a una a l'anno, con questo vadi in persona. Ave: 11 non sinceri, 107 di no, 1118 de la gratia. Fu presa.

La gratia de Filippo di Parvuli vol fante a li Governadori over a i extraordinari, primo vacante. Fu presa. 1107, 87, 41.

La gratia de domino Canala richiesta per sier Giacomo Dolfin qu. sier Galeazo, morto conte a Pago ha fioli, et li Consieri et Cai di XL messeno darli 6 balestrarie *ut supra*. Fu presa. Ave: 1168, 42, 5.

La gratia de Hironimo Pocaterra vol una fontegaria prima vacante. Fu presa. Ave: 1158, 72, 21.

Fu posto, per li Consieri et Cai di XL, poi leto una suplication de le monache al Santo Sepulcro, per numero 76, vol li sia fato nel monasterio uno pozo, però li Proveditori de Comun lo fazino spendendo ducati 5 al mexe fino a ducati 200 che 'l va di spexa. Fu presa. Ave: 1183, 58, 9.

La gratia di sier Nicolò Minoto qu. sier Antonio, ha certi tereni a Loredò per conto di la sua dote, la qual vol tramudar li, con la condition di la dote. Ave: 1129, 54, 36. Fu presa.

La gratia di alcuni vilani condanati absenti per el podestà de Castelfranco Valier et se voleno apresenter. Fu presa, *videlicet* Zuan, Maria, Giacomo, Luca di Bolanoli. Ave: 1150, 70, 14.

La gratia de uno Giacomo Pelizaro da Lendenara bandito a Lendenara, se vol apresenter. Fu presa. Ave:

318 La gratia de Hironimo Grifo fo scrivàn al sal, vol una fontegaria, et fo la prima parte de dar la fontegaria posta quì per eror. Ave: 1124, 79, 34. Fu presa.

La gratia de Zuan Batista de Luchini, atende a Gran Conseio, vol una fontegaria *ut supra*, et va drio la gratia de Zuan Morello. Fu presa. Ave: 1157, 73, 18.

La gratia de Agustin da Veia, vol una fontegaria *ut supra*. Ave: 1056, 82, 651.

La gratia de Andrea di Sopraponte brexan, vol apresenterse a Brexa. Ave: 1078, 74, 52.

La gratia de Verelo de contrada de San Nicolò bandito per li signori di Notte. Si vol apresenter. Fu presa. Ave: 967, 44, 69.

La gratia de Sebastian et Anzolo fradelli

La gratia de Coradin de et Coradin de Verona, banditi per , si voleno apresenter. Fu presa.

La gratia de comessarii qu. sier Piero Contarini qu. sier Zuan Ruzier lassò certo teren apresso San Francesco di la Vigna, sul qual se fazi 4 caxe per dar a poveri da chà Contarini, et li frati voleno dar de quello ducati et però voleno far le caxe a Sant' Apostolo, è so el teren, et fabricar suplisce li danari; et perchè sier Zacaria Trivixan qu. sier Beneto el cavalier voleva contradirla, fo rimessa a uno altro Conseio.

Da poi disnar, fo Pregadi, leto le lettere venute questi zorni, ma non quelle de Udine.

Fu posto, per li Consieri, che l'estimo fato a Vicenza, dil clero, sia approvato per questo Conseio, et cussi sia scritto a li rectori de Vicenza che 'l sia valido. Ave: 124, 43, 4.

Fu fato el seurtinio de Savi di Collegio el qual sarà quì avanti posto.

Fu posto, per li Consieri, Cai di XL et Savi una gratia de Paulo Agustin debitor per perdeda de daci de Raxon nuove, vol li officii possi responder, la qual gratia fu posta dil 1526 et non ave el numero de le ballote, *etiam* hozi balotà non ave el numero; al terzo Conseio.

Fu posto, per li ditti, la gratia de domina Luchina de Quartari, debitor de la Signoria, de pagar li debiti de suo marito a li Governadori et Cazude, *videlicet* sia suspesi per 2 anni et pagadi pagar in 4 anni, et possi dimandar gratia per li Consegi. Ave: 175, 15, 11.

Fu posto, per li Savi, certa parte de pani bassi che vieneno nel territorio padoan, zerca pagar per panno alto, intervenendo quelli di Miran non so che cosa, ma sier Zuan Dolfin savio a Terra ferma la solicitava, molto ha da far a Miran, et sier Hironimo da Pexaro, sier Lunardo Emo, sier Pandolfo Morexini consieri, stati retori a Padoa, li erano contra in dano di daci de Padoa; hor li Cai de X non volse.

Fu posto, per li Savi tutti, e fu preso mandar domino Guido Naldo a Corfù con provisionati 250, qual venuto in Collegio ha ditto fu preso darli ducati 50 per paga a page 8 a l'anno, et sempre in campo ha hauto ducati 60, per tanto li sia dà per el tempo starà a Corfù, scudi 60 per paga a page 8 a l'anno. *Item* si dagi 12 archibusieri come quelli va in Cipro. *Item*, sia pagà de danari presenti di legnami et altro si manda a Corfù. *Item*, da matina, per il Collegio se fazi 2 capi con 100 fanti per